



KEMENTERIAN EKONOMI
JABATAN PERANGKAIAN MALAYSIA



NEWSLETTER



Banci Ekonomi merupakan aktiviti pengumpulan data secara menyeluruh yang bertujuan menghasilkan gambaran yang tepat dan bersepadu mengenai struktur serta prestasi ekonomi negara pada satu tahun rujukan tertentu. Dari sudut konseptual, pelaksanaan banci ini berlandaskan kerangka System of National Accounts (SNA), yang memastikan keseragaman konsep, definisi dan pengelasan selaras dengan piawaian statistik antarabangsa.

- **System Of National Accounts (SNA)** merupakan set piawaian yang diiktiraf di peringkat antarabangsa, yang memberikan panduan tentang cara menyusun dan mengukur aktiviti ekonomi mengikut kaedah perakaunan yang tersusun dan konsisten.
- **System Of National Accounts 2025 (SNA 2025)** telah diterima pakai oleh The United Nations Statistical Commission (UNSC) pada Sesi ke-56 tahun 2025 sebagai piawaian statistik antarabangsa bagi akaun negara. Ia merupakan tambah baik kepada SNA 2008 dan adalah **versi keenam** sejak pertama kali diperkenalkan lebih 70 tahun.



1953



1960



1964



Asal-usul **SNA** boleh dikesan kembali kepada Laporan Jawatankuasa Kecil Statistik Pendapatan Negara di bawah Liga Bangsa-Bangsa pada tahun 1947. Laporan ini disediakan oleh Jawatankuasa Pakar Statistik yang diketuai oleh Richard Stone.

SNA 1953 diterbitkan di bawah naungan The United Nations Statistical Commission (UNSC). Ia terdiri daripada enam akaun standard dan satu set 12 jadual standard yang membentangkan perincian serta klasifikasi alternatif aliran dalam ekonomi.

Pada tahun 1960, satu proses semakan telah dilaksanakan berdasarkan ulasan serta pengalaman negara-negara dalam pelaksanaan SNA 1953.

Proses ini menghasilkan penerbitan **SNA 1964**, yang bertujuan untuk memperkuatkan kerangka konseptual dan metodologi SNA agar lebih sejajar dengan realiti ekonomi semasa serta keperluan perbandingan antarabangsa.




1993



2008



2025



SNA 1968 telah meluaskan skop akaun negara secara ketara dengan menambah akaun input-output dan balance sheet account, memberi fokus kepada penyediaan anggaran pada harga malar.

SNA 1993 memperkuatkan kerangka akaun negara dengan pengenalan klasifikasi institusi yang lebih terperinci, peluasan akaun kewangan dan bukan kewangan, serta penambahbaikan pengukuran aktiviti ekonomi sejajar dengan globalisasi dan liberalisasi kewangan.

SNA 2008 memperkenalkan pembaharuan metodologi, termasuk pengiktirafan R&D dan aset intelek sebagai pembentukan modal tetap serta penambahbaikan pengukuran perkhidmatan pengantaraan kewangan, selaras dengan piawaian statistik antarabangsa.

SNA 2025 merangkumi liputan topik yang lebih luas dan terkini seperti globalisasi, pendigitalan, kewangan Islam serta ekonomi tidak formal. SNA 2025 memperluaskan rangka kerja perakaunan negara dengan mengambil kira lebih tepat perubahan struktur ekonomi dan perkembangan semasa.



- System Of National Accounts 2008 (SNA 2008) merupakan satu rangka kerja statistik yang menyediakan akaun makroekonomi yang menyeluruh dan konsisten dan fleksibel bagi tujuan penggubalan dasar, analisis dan penyelidikan
- Ia telah dibangunkan dan diterbitkan di bawah naungan United Nations (UN), European Commission, Organisation for Economic Co-operation and Development (OECD), International Monetary Fund (IMF) dan World Bank Group

*Semua penerbitan DOSM disediakan selaras dengan piawaian SNA

